

卷之四

初文

饒州謁顏范祠文

二公名節百世所師俱臨是邦道愛猶在死者可作非
二孰歸其盜竊郡符獲瞻祠像太山北斗心實慕之視
事之初敢不躬告

顏范新祠成奉安祝文

善陽九賢咸有善政文忠之忠文正之正九賢之中表
所為盛祠宇一新丹青輝映凜然如生尚餘剛勁以嚴
應之公警恥倭福我邦人不禱而應不水不旱無兵無
病血食萬年孰敢不敬祀事之初神乎其聽



夔州詩文宣王廟文

惟夫子之道一以貫亦奚間乎亦遐不陋九夷而欲居
行乎蠻貊如一家今坤維文物之富人才之盛有洙泗
風而無媿於諸華苟非聖教之易達豈一文翁能化之
乎一不書生蒙恩帥巴媿無果達藝之才可以後政
而亦粗知富庶教之何加若夫事賢友仁與學道而愛
人也固不敢不勉所歆與諸生共勉者口忠曰孝曰思
無邪

謁昭烈廟文

嗚呼東都之季盜窺神器名鼎者三帝乃劉氏有高皇
慶有先武氣有王佐臣無干原地以區區蜀抗大國二

天厭漢德壯圖弗遂功雖少以四海歸義永安改宮遺
迹可記君臣有廟英雄之氣歲月浸遠棟宇莫治其來
守是邦過而興喟一新廟貌薄薦殺賊勿觀八陣細讀
三志我雖有酒不祀曹魏

謁武侯廟文

丞相忠武蜀之伊呂高卧南陽悲吟梁甫草廬之中三
元主將漢是興非劉焉與君臣魚水蛟龍雲雨才十
曹丕志小寰宇假令無死師一再舉吳魏可吞禮樂可
許寧使英雄墮淚今古將畧非長庸史之語某受命天
子來帥茲土夢觀八陣果至夔府廟貌僅存風流可觀
哀有閔張一龍二虎安得斯人以消外侮

謁杜工部祠文

風雅頌息嗣之者誰後代風騷先生主之讀書萬卷蓋欲有為明光三賦烜赫一時致君堯舜卒不克施此志蕭條乃昌其詩天歌其鳴窮之使悲復生太白如墳應虜流落劔南廢聲益馳莫年製作莫多如夔詩史有堂遺像有祠光豔照人膏馥滿碑歌蜀道難誦杜鶴詞忠不忘君先生是思

修武侯廟奉安祝文

八陣圖之北永安宮之南侯有祠焉蓋昔與先主控扼吳魏經營中原之地死而廟食宜矣然面貌不稱非所以崇明祀也某至官之初首謁祠下令工葺之榜其坊曰卧龍擇日之吉帥同僚祀之不敢不告

諸廟祈雨文

茲者七月不雨禱祈未應神廟食于此其可坐視而不救乎油然雲沛然雨在神呼吸間也宜速効職毋作神羞

諸廟謝雨文

茲因不雨是用禱于神祇且責其坐視不救而戒其速宜効職果不踰時沛然下雨神亦可謂靈矣有德必報其何敢忘

湖州謁文宣廟文

夫子之道至大而神顏猶告之犇軼絕塵設教以中善

誘循循化被萬世遐邇惟均淑學之盛東南倫風似
鄒魯民同蜀閩其受命天子來為守臣方以政學焉能
牧民聞諸夫子學道愛人益以無倦敢不諄諄若夫惟
孝為政勿欺事君願與諸生同書諸紳

謁顏魯公祠文

嗚呼百世魯公嚴霜烈日彼何人斯鬼面藍色公之所
至人懷其德清風凜然尚餘鏡書某昔守西易今來雲
川皆公舊治有象貌存視事之初敢不躬謁豈無他祠
敬慕名節

祭安定先生文

慶曆皇祐有三巨儒太山徂徠咸不及朔眷言此邦如
泗與洙弟子說說三千之徒中庸有傳皇極以敷法行
太學化廣寰區諸老先生萬事問胡富矣道德賢哉範
模國朝之治効在詩書先生之功不在都兪祠宇于泮
松楸在吳歲時上冢冠帶必趨某受命天子來分郡符
官既有守恨莫能俱恭命同僚往奠一壺嗟嗟先生今
也則亡

泉州謁文宣王廟文

某以諸生入仕學實未優達不如賜藝不如求可使治
賦又不如由屢縮郡章了無一善泉南年藩誤膺
帝選學道愛人願如言懼益以無倦不敢不勉若夫美
化易俗則在泮宮言采芹藻編教信公願與諸生名嚴

是宗庶使無訟有君子風

韓魏公祠奉安祝文

嗚呼岳瀆之奇實生聖賢高甫申尼丘文宣或生他邦必嘉山川李居江東蜀生謫仙我宋名世之士三而皆生于異郡焉溫公家陝右而生于光文忠家江西而生于緜人知忠獻公之為相人也而不知其乃生于泉蛻壇明山齋淪清源氣如洛陽公得其全有異人号知其祥有吉夢号開其先香名一呼瑞日在天勛業三朝高視無前社稷之臣無以加伊周之美罔敢專然公所至之邦皆有祠異獨始生之地而闕然景德逮今自五十年泉人思公亦非不虔采其謚以名堂慕其風而欲傳飲清泉号有懷薦一掬号無緣州宅之東雲樹之邊喬木一林古屋數椽即焉以祠繚之以垣龍章鳳姿彌彰戴蟬人皆曰我魏公也莫不喜歎而斷肩然公勛勒鼎彝名光簡編食配清朝 貌法凌煙亦美用乎州郡之祀盖聊以慰邦人之惓惓

諸廟祈雨文

前日不雨有請于神三日而應繫神之仁今又不雨其誰之咎灾不自作罪在郡守守固有罪斯民何辜曰雨而雨在神呼吸山川出雲沛為膏澤不作神羞吏亦逃責

韓魏公祠祈雨文

惟公生為我 宋之元勳死為紫府之真人育于泉南
必念斯民泉人愛公祠象一新賴以嘉祐治平之霖雨
沛然一洗千里旱暵之塵

韓魏公祠謝雨文

連月不雨靡神不宗禱而不應有請于公不數日間膏
澤遂通龍神社鬼孰敢爭功願終其惠時和歲豐永禱
邦人廟貌是崇

諸廟謝雨文

旱魃為虐且誰之尤守臣失職惟神是求久而莫應年
麥不收得之桑榆有事而疇播厥百穀庶幾有秋繫神
之德何敢不酬雨尚未之民猶有憂願終其惠毋作神

羞

諸寺謝雨文

佛有因而佛有緣非誠莫之感動星好風而星好雨當
春乃能發生守臣繇京薄而致灾大覺以慈悲而垂憫
俯徇群情之禱沛為千里之霖小麥青而大麥黃雖云
不救低田流而高田水其必有秋已大慰雲霓之心何
敢忘香火之報

謝蔡真人文

師帥非賢幾三時而不雨真仙是禱亘下里以為霖勞
法駕之久臨慰群情之虔禱無恙不報云香火之無
功式邁其端益覺煙霞之有耀

辭文宣王廟文

某以 天子命來守是邦維期暨望敬瞻聖容考將再
書治無可紀有負吾 君亦負夫子茲又命易郡丹
丘道無南北何莫不由居敬之簡學道之衆雖曰不敏
其何敢怠代者將至行矣有期靡神不告元我聖師耽
耽儒宮濟濟冠履采藻而游酌泉而去

辭韓魏公祠文

某來守是邦幾二年矣而畧無治効惟復公之堂立公
之祠庶幾小補於風教茲者易郡丹丘祠有日矣敢不
請違于像貌願以公之事 君公之治民者是則是效
且使衆人登其堂拜其像莫不起忠起孝

辭諸廟文

某來守是邦幾二年矣而治無述焉宜神之所不福也
然千里之內無盜賊干戈疾疫之苗者豈非神之賜耶
今易命丹丘行有日矣不敢告

祈雨疏

旱不自作端繇郡政之荒民亦何辜仰冀天心之閔月
屬流火時逢亢陽百穀不得其生群黎無以為命咸切
望霓之志輒殫請禱之誠閉諸陽而縱諸陰媿之董生
之術油然而沛然雨頽興宋國之苗

謝雨疏

旱魃為虐千里起望霓之心精誠所加匹夫有動天之

道茲因七月之不雨仰祈三日之為霖遂於俄尔之間
忽下沛然之澤一洗煩暑勃興槁苗天自天而人自人
運若難感賜曰賜而雨曰雨恩何可忘

祭文

祭六姑文

嗟我先子同氣六人殘月孤星僅存者三白髮蒼顏姑
為家尊不見祖考典刑常存念姑平生無憾可言為婦
而順為母而仁享年而德享富而安婚姻早畢男女具
全壽幾八齡目見重孫姑於五福亦庶幾焉某等闔門
百指辱姑厚恩既喪茫恃惟姑是親疇昔登堂歡笑滿
顏撫我邱我如父母存姑今云亡我將疇依惟姑是思
亦父母是思嗚呼哀哉

祭八姊文

哀哀父母有子六人姊寂居長孝愛慈仁鞠育同氣甘
旨愛親以奉匱窶以畢婚姻姊力為多曷報恩勤嗚呼
哀哉于婦慶門奉姑與姒宜其室家亦既有子另遽早
世女繼而死淚落已盡哭猶未止病在膏肓竟成不起
嗚呼哀哉某等早喪怙恃惟姊是依姊今云亡曷勝其
悲姊有良人後事可屬二女有婦半子可托鍾愛幼穉
如出其腹儻免水火祭祀有續地下從姑姊宜瞑目惟
我同胞恩深義篤一觴奠訣血淚同沃

又代聞詩

聞詩天屬為姪門闈為婿蒙恩最深再以女妻登門之始夫人在疾藥物獲嘗顏色婁倏尚期痊復歲月承顏云胡不幸緣淺福慳百日之間來往數四遽驚疾革倉遑來視口不能語手猶撫摩遺言不聞銜恨實多夫人於女最所鍾愛善視以報斯言不昧

祭張魏公文

惟公學造誠明才全文武忠孝根於天性節操貫乎歲寒社稷之功最高親曾取日君父之讐未復誓不共天二十年見斥權臣五百歲重逢聖主夷狄服於陽威德現童知司馬姓名意者天必相之嗟乎命何止此方渡江而擊楫遽樂聖以銜杯宣室興思蒼生望起雖曰閉門絕粒不忘憂國愛君中心功未及成讒謗之書盈篋武侯死有遺恨英雄之淚滿襟一老不遺百身莫贖其濫比假守驚聞計音忍觀絕筆之銘媿阻臨棺之奠嗟吾道之窮已甚非斯人之慟而誰

重祭張魏公文

嗚呼蠻夷猾夏以和得志食肉者鄙力主和議萬口和附爭言五利曰國之福何惜土地甘心事讐不恥稱謂附和者用沮和者棄和猶未成邊已撤備既棄唐鄧又棄海泗淮北生靈幾無噍類國既日蹙兵亦尋至公之勛德公之忠義公之人望群朝聚詈公欲恢復指為生事公欲禦戎斬為兇賊公欲養兵詆為安費公欲進賢

日為朋比公得人心公有異意巧言如簧吁其可畏天
眷雖隆不容在位汾陽兵柄奪于讒基度無顯公豈獨
前智怒疽范增間走樂毅公存虜懼公死虜肆虜方陸
梁國若存贅上心焦勞當食而喟彼蒼者天胡不憖遺
九原不作蒼生曷慰遙望衡山洵然墮淚

祭魯公文

士之處世患不逢時及其進用得君者誰逢時得君可
究設施堂堂魯公國之元龜民之父母世之宗師應事
四朝始終無虧光相二帝盡忠不欺休休有容涯淡莫
窺盛德大節人皆仰之胡馬飲江聞者四馳公獨屹然
處以靜謐以身許國奚顧家室一鏃不施邊烽自息宗
社以寧繫誰之力堯舜授受乾旋坤闢同列異議公獨
忠赤功成而退罔有德色赤松與遊脫遺羈勒羶事未
寧羽書方急上心焦勞起公于疾人望翕然如用君實
折衝千里再安王室公欲有為百未一遂彼蒼者天胡
不憖遺變生俄頃什于奏事震驚中外邇國殄瘁嗚呼
哀哉某晚進不才誤辱公知官守有拘莫覩靈輶致奠
遺僚寫心以詞為天下慟豈曰其私

奈何提刑文

惟公學繼橫渠心傳無盡詞有根抵行有畦畛蜀道知
雲關中曾閱文章淵家卷軸連軫四朝耆舊多士標率
不染腥羶寧避鷹隼流落九竊從蝦蛭蟻太一攬權材

收杞箇公起自南王出于韞使節屢馳大藩頻于時
有聲未究所蘊元老登朝首加薦引對揚宣王上嘉忘
蓋誰乎沮之不班玉筍祥刑江左庶玉惟允我濫把麾
情親迹近愛君憂國語必同憤擬學史魚諫諍而殞詩
壇獲陪雕琢肝腎公將風騷我嚴鞮鞞波瀾何濶五律
殊謹筆陣縱橫詞鋒捷敏鉅鐘微撞邊幅漸窘韓拜孟
郊龐怯孫臏有瑕必指忠告無隱鈇板以傳託公不泯
軺車行部疏獄發囹王命有嚴何敢不龜送以短篇勸
以良醞詩簡往來如白與稹脩遠倦遊歸約尤繁忽所
書問風傳疾疾計音遽至道路驚驚聚散如夢榮枯同
菌失此老成痛何能忍真不撫口有四徒隕

祭戴復道文

嗚呼繫我與君生于溫江同郡異邑邂逅無從我守番
陽君丞外邑聯事暮年莫克會集君之文行著在鄉評
及其居官益有美聲鄉人仕饒不過三四不見君子心
焉孔瘁惟是面目見于尺書亦有詩篇不鄙寄于四月
之暮聞君在疾倉皇遣醫竟莫之救人孰無死君尤可
悲九十之親誰侍以婦松楸故鄉道路悠遠歸君之喪
何敢不勉我有官守往弔莫違遺奠一觴潸然涕滂

祭賈府君文

嗚呼吾鄉之賈實為慶門玉樹芝蘭多賢弟昆鄉校賢
關藹然有聞曉月晨星于今幾存公之為人重厚寡言

有長者風薄俗可敦天厚其報富壽兩全亦既有子
既抱孫婚嫁已畢放懷丘園胡不百年遽歸九原某爰
自幼學荷公厚恩公色素嚴為我而溫妻以兄子遂成
世婚遠宦夔門聞訃莫奔馳萬里書其以一搏

祭馮少卿文

嗟嗟負仲何至於斯天乎命乎尚忍言之抱濟世之才
而我才見忌懷許國之忠而以忠見疑誠足以泣三軍
之衆而不弭浮言之誦節不變於臨天難之際而不免
於鬼物之欺初為賈生之逐卒抱屈原之悲嗟嗟負仲
何至於斯天乎命乎尚忍言之庚辰道山才盛一時我
我游其間辱君厚知義均弟兄間言莫移憂時論事所
膽同披聖德有容雷霆震懾具存驗若著龜我既
去國君車亦馳二年之間暫合復離君佐戎幕身歷艱
危我官柏臺自効而歸聞君之罷有識嗟咨讓鋒方熾
公論誰持我赴番易君書遠貽手墨未乾人事遽非驚
聞訃音哭之以詩君喪還普我來守夔官守有徇往弟
無期遣問窵窳寫心以詞西首一慟非君而誰

祭周運使文

惟公西蜀之英秀發自幼擢桂禮闈蜚聲文園學有根
蒂行無瑕玷施了有政名實相副製錦方符霸遠恭茂
帝念巴蜀民貧俗陋命公持節往安而富暨尔同僚講
明利疚歲丁飢饉廩發糶糴羨餘不獻偃折是究民道

十萬悉蠲其舊預備凶荒廣糴以救舟車日通商賈咸
湊錢雖不流德亦云厚馬運病民協力敷奏撫事興業
憂國成瘦亦有知己行將結綬亦既踐揚宜在左右天
胡不仁遽奪其壽嗚呼哀哉某適自東南一麾來守非
仁是依曷免罪咎日陪談笑屢飲醇酎有唱斯和無衰
不叩連方共賞焉約同嗅公忽微恙我頻來候藥物甚
良變故何驟堂登繻衣溘焉在柩死生常理如夜與晝
公心了然寧校先後惟賢可惜歎見難又真以一觴老
淚盈袖嗚呼哀哉

祭社殿院文

光堯神聖高邁千古任賢納諫同符神祖紹興辛巳親
擢得杜曰卿忠直不畏強禦朕擇御史賢莫如汝往肅
官邪以消外侮公如麟鳳莫類是與公如獬廌邪佞是
去如唐子方孤忠自許如趙鉞面風高憲府孰將而貪
掇剋軍旅孰戚而橫攘攸編戶孰醫而幸官高賞鉅孰
託宮市敢通北賈孰為樞臣將命是拒孰為民賊孰為
社鼠皆罪之尤擢髮莫數汙我白簡宜即刀斧言無不
行中外鼓舞曰真御史曰堯舜主言責既塞力求外補
五馬來歸壯哉出處惠歛一州治寂西土至今邦人咸
曰杜母某往遊道山辱聯步武友得直諫誨聞規矩公
遷拍臺我返衡宇尺書千里屢寄鱗羽如覲面目遙馳
肺腑不見君子五隔寒暑夙蜀相望會合無所國亡直

臣山失猛虎豈惟吾徒天下懷楚我來守喪棺未違指
諸孤走書大事將舉佳城匪遙執紼伊祖遺奠一觴老
淚如雨

祭令人文

嗚呼子婦我家今三十年違事舅姑既孝且賢我有弟
妹未畢姻媿子能慨然奮具志捐我事筆硯半生迤邐
晚粗有成子之取焉婦人妬忌往往皆然子能寬容尤
人所難婦人於財見則垂涎子獨不貪素無金鈿為如
育女喜兒讓官婚嫁粗畢不以財論每言仕宦清白為
先俸祿之外勿取一錢身為命婦績紉是專勤儉之風
鄉閭所傳我仕于朝頻年外迂同涉險難萬言旋方
還故鄉忽又得泉到官月餘老病相纏深為尔憂廢食
與眠孰謂一朝舍我而先變生倉卒哀哉上天死生常
理我固曉然痛不能忘子實可憐長子愛女不在眼前
去無一語抱恨銜冤我今抗章乞骸歸田以尔喪還祔
姑之阡子可無憾瞑目九原

祭張器先文

秀自妙發德由少成唾手鄉薦蜚英月評蕭洒宗之風
流長卿壯遊上庠益馳令名選壓萬中賦高二京覃思
稽古下帷授經史學最長詩律尤精暮景侵尋一第始
登宜在館閣盍揚王庭天平命乎卒于一丞嗚呼哀哉
我守泉南君官福清惠然有來不寒前盟賓主俱病相

現而驚醫藥是急酒杯莫傾猶有笑談以話交情別處
踰月兩蒙寄聲報續方遣計音忽聆嗚呼哀哉四海之
內孰非弟兄君有同僚後事是營暑雖孔熾亦不可停
我有官守往弔莫能之賻遣真声吞涕零

祭萬先之文

嗟嗟先之厚德美才今止於斯天乎痛哉必大之門詵
詵蘭玉子方妙齡已見頭角声蜚槐市蔚為上流壘壘
十年一第始收遠宦湘師儒是職南方多士惟子是
式紛紛輩行彈冠帝鄉子獨恬然不干廟堂得掾南昌
需次家食胡為一疾遂至於革上相知已諸公薦賢命
在匪伊胡不少延慈親在堂壯婦在室兒女滿前百事
未畢子可無憾有鶴在原後事可託如身之存散落人
間光豔遺跡集而傳之敢任其責故鄉語別曾未踰年
子死我病兩俱可憐凶訃南來孰不歎惜遣奠一觴老
淚遙滴

祭王尚書文

惟公天賦厚德時稱吉人學為君子之儒性得仁者之
靜蘊發溪之秀氣蚤折桂枝大京地之家声榮持荷橐
以詞臣而為岳牧嘗聽履而上星辰身居八座而德愈
謙光治著六州而人懷惠愛奉真祠之香火善暮景之
年齡民所具瞻行起三朝之舊天下勲遺遽驚一老之
亡景昔以齋生叨依蓮幕雖茂贊黃堂之畫然取家青

狼之知假道東歸方飲楚元之醴酒分符南牧忽聞紅
尹之計音那家興殄瘁之憂予上失注想之待走書千
里致奠一觴難忘在耳之言徒隕銜恩之涕

祭潮州王尚書文

惟公性稟南方君子之強蔽弄明月于潮之陽妙齡射
策遇 太上皇擢為亞魁名震四方權臣用事明括自
將潛心稽古得聖行藏於易春秋尤其所長 帝初攬
權思用忠良貳我成均儒林有光說書崇政屢上封章
帝嘉其直人指曰狂出守東嘉奉祠故鄉 主上龍飛
召自南 夜諫垣以肅周行正色不朝諤諤以昌筆
端凜然不救豺狼言如蒼鳥去有芳香公雖在外

上念不忘入司喉舌行登南堂彼何人斯敢為臧倉如
毀日月才 曷傷身雖可屈賜不減剛歸老于家天相
壽康名德益尊如曲江張如余襄公如日南姜盍歸乎
來弼諧贊襄天不憖遺哀哉遽亡其以諸生受知上座
竊第來歸禮遇異常公居諫省我濫臺綱人呼二龜亦
曰兩王鼠豈虎偶葭依玉躬把麾泉南稍近門墻敬雖
獲修見則靡遑忽聞訃音痛摧肺腸譬彼大厦壞其棟
梁如體無骨四支曷彊為國惜賢潸然涕滂

祭曹夢良文

嗚呼我與夢良三紀論交義則弟兄堅如漆膠君方妙
齡卓然自 萬氣豪人莫能及書生事業有短有長

君如江左... 詩謝賦... 論是策... 蜚廣... 掃勅敵... 少... 明... 師... 學... 有... 淵... 源... 維... 以... 教... 人... 典... 刑... 具... 存... 散... 為... 篇... 章... 戲... 成... 駢... 儷... 一... 言... 之... 出... 而... 既... 前... 輩... 綠... 業... 六... 君... 若... 我... 先... 同... 登... 科... 名... 共... 相... 待... 然... 作... 掾... 廣... 陵... 赫... 然... 有... 譽... 需... 次... 閣... 以... 行... 特... 美... 赴... 我... 嘗... 以... 君... 名... 聞... 廟... 朝... 拭目... 以... 觀... 嘗... 登... 昂... 霄... 胡... 為... 一... 疾... 遽... 然... 不... 起... 命... 壓... 人... 頭... 乃... 上... 於... 此... 嗚... 呼... 前... 年... 之... 冬... 我... 赴... 泉... 南... 以... 書... 見... 招... 至... 于... 再... 三... 訪... 君... 許... 峯... 禮... 盛... 觴... 豆... 送... 我... 坡... 南... 珠... 玉... 滿... 袖... 滿... 擬... 歸... 來... 重... 登... 慶... 門... 孰... 知... 計... 音... 中... 途... 遽... 聞... 孺... 人... 孀... 居... 孀... 嫁... 未... 畢... 族... 大... 義... 高... 必... 能... 周... 卹... 伏... 君... 文... 行... 撫... 吾... 人... 或... 或... 未... 死... 其... 何... 敢... 辭... 追... 念... 交... 游... 零... 落... 可... 痛... 我... 老... 君... 死... 云... 胡... 不... 動... 行... 嘆... 先生... 後... 集... 卷... 第... 二... 十... 八

梅溪先生後代者多十九

墓言

周承奉墓誌銘

游太學與周君懋為同舍生明年同擢進士第又明年予為東諸侯客周自婺女來訪焉不見也... 再仕... 去國周官游婦故鄉之書數千里以先承奉公之訃來告又以三山村君岳之狀丐予銘予流涕讀之不敢辭公諱某字純臣婺州義烏人曾大父某大父止父某皆晦迹不仕公孩提後母少長聞之哀慕如成人事父及繼母以孝稱撫幼弟教而室之身任家事不私有其財同言五十年無間言人以為難教子姪尤可子

懋肄業上庠歲一往必戒之曰毋怠而修志違誨教不
懈益歷丁丑春射策遂登甲科妖憲踵與薦書鄉人榮
之懋教授邵武侍公以行公諄諄然以職事勉之教授
君溫厚長者待諸生以誠寓教誨於色笑間不嚴而若
秩滿咸惜其去義方力也紹興 天子上 長樂宮壽
官及高年公授右承務郎致仕今 天子嗣位轉承奉
郎入謂積善之報隆興元年六月庚申卒年七十有
一以十月乙酉葬于邑之鳳林鄉長塘原娶劉氏與公
同 上賢洲稱之今無恙男一人即教授也女二人婦
進士樓世尚場異孫乃四人伯奮仲堪可獻仲熊孫女
一人長許嫁何 幼公姿魁碩 通曉世
務衍於財而好施 戚故舊之貧者 刑 刑 刑 刑
歎而艱食者棄浦負廣津梁崇釋氏以和福為尤多勞
才 注生而能自佚於谿山杖屨賓客游從壺觴博奕間
性友愛會弟先卒病遂劇有唾壺常以自隨一夕命家
人亟去之曰吾行矣奚用此為已而果然嗚呼 言一
壺也形骸涕唾耳寓形於宇宙之壺不自與窮達榮悴
利害是非毀譽之境接真邪妄邪吾於公不怛化之際
竊有取焉銘曰

周出於姬 實為著姓 烏傷一門 蔚有餘慶
公於孝友 匪習而性 必謂之學 是亦為政
天報以子 且及其身 子蜚今名 才亦逢辰

化不吾怛 端復其真 斲石銘幽 以詔後人

何提刑墓誌銘

永嘉自元祐以來七風浸盛淵源自得之學曾聽不為
襲之文儒先數公著述具存不怪不迂詞醇味長鄰
及門孔氏未必後游夏徒也涵養停蓄波瀾日肆至建
炎紹興間異才輩出往往甲於東南舍人何公又真
卓然者歟公諱逢原字希深世為溫人曾祖真元一皆
潛德不耀父某累贈奉直大夫妣王氏封太宜人公姿
穎異眉宇秀整頰而長身兒時強記覽落筆語驚人嘗
賦松柏後彫志趣不凡識者期以遠到 乙科調
秀州司戶參政 對敷奏進止剴切洋雅除力令

所刪定官書成即召公即遷秘書省正字特秘閣直學
登瀛皆極選公翔翔其間讀異書見聞尤 丁母憂服
除復舊職以言罷通判池州歲飢公攝郡事發廩以濟
有以專輒諫者公曰以此獲譴所甘心焉為粥以待于
路病者藥之人由是免流移飢而不害秩滿 院
編修官兼權左司郎中起居舍人中書舍人初奏氏盜
權以國事讎殺大將竄忠良鉗天下口神怒人怨公為
書生時嘗客其館授其子以經於是間見以物議洵洵
告秦氏曰吾所與語者天也豈復與人校是非公曰天
之心即人之心也豈有異哉秦氏大銜之臺諫承風指
以他故至是再黜久之除添差通判處州公以才進譽

藉甚自樞屬攝後班兼數職光顯于朝去不以罪且下
佐小州士論屈之公以近鄉自賀無幾微愠色君子謂
其得大雅之明拓太守某聞其賢以郡事讓之公既深
取職剔蠹鋤梗郡遂大治俗生子多不舉公重賞嚴禁
飭保伍諭以天性所活叵計除浙東叅議官改提舉湖
北常平茶監事湖北產茶病私鬻江可惡以越境群至
數以千百相挺為盜材落間戶閉白晝公憂之乃以憲
司謀以戍兵三千隸盜賊司分布要衝以遏之盜叛者
息民賴以安徙知嘉州嘉遠王都吏橫而肆訟謀紛委
率出入其手公至立訟者于庭俾自供號以曲直悔過
者隨遣之不峻則懲以笞罰訟由是簡仵獄晏空懸行

估不一毫市於民去之日闔境交送携扶填擁至不得
有然香干臂以祝者且曰自有漢嘉無此取也伏君祠于
佛舍至今奉之除成都路轉運判官四川類省試有請
託暗記傳義之弊朝廷擇清德重望士以董之差公充
監試官公措畫有方內外嚴密纖介不通前漢上車時
號公選明年廷對蜀士果多巍科廟堂歲久而壞像貌
黜剝易而新之植嘉木增養士負頌之者以比文翁除
知夔州未至改潼川路提點刑獄行部至合州有重囚
衣鮮潔而械有塵垢公親鞠之情得乃縣吏受賕釋其
械遂竟其奸且申明縣吏行常祿雖枉法而罪不重故
獄多寃濫乞自縣吏掌獄者亦重祿朝廷從之大是尉

利盜賊殺匿者以滅口而以病死聞公裴而詰之尉
色動猝赴獄果自伏人以為神明監司歲薦舉劫於有
力不得如已志公獨記姓名壁間疏臧否于下有狀不
待請而舉由是孤寒皆蒙識拔奔競少衰就差轉運副
使再監類試院乾道二年召赴行在除金部郎中公久
患臂弱至是寢劓力丐祠除福建提點刑獄事以四年
三月某日卒于官舍享年六十有三階朝曾大之公為
人謙恭樂易持心近厚不為崖異行善諧謹然未嘗忤
物儉於自奉弊衣菲食以終其身通守兩州不按臨屬
邑五持使節所過州縣止數輩人不知其為使者每謝
卻厨傳吏以例冊言公曰吾知奉法而已何以例為專

以愛民為心治尚不擾故所至可紀有古循吏風故相
趙公鼎叅政孫公近皆厚遇之尚書吳公表臣端明張
公闡樞使汪公澈皆舉以自代然公既忤權臣迹踈遠
十年楚蜀晚方還朝以疾補外遂致不起才不克究中
外惜之長於理學尤精論語覃思二十年享七十者必
與講論有集解十卷簡嚴明白超詣處諸儒所不到且
自序其書曰古之學者為己今之學者為人為己則能
為人為人則兩失之矣凡平日臨政遇物一以所得於書
者從事蓋非苟知之也善屬文清峻適麗雖倉猝應用
必自己出不剽竊前人語尤長於詩有晉宋味有文集
二十卷外制二卷初育於楊氏既登第復今姓嫁楊氏

女立其後擇師以教之買田以贍其家娶丘氏故左司
鐸之妹子三人長端木將仕郎孝而能文先公三年卒
次東里次少連女一人孫男二人曰鏞曰某東里鏞皆
將仕郎以五年十二月某日葬于吹臺鄉西山瑞慶院
之右公漕成都與六資王公之望善及憲閩五適為帥
後事卒賴之既而移鎮鄉邦久經紀其家某與公同鄉
為晚進慕其名久矣恨未之識及守夔子始通書自蜀
名還迺于江濱公驚曰吾以子為尚年少乃爾老邪一
見如故首及論語且授以集解某傳之夔學酌酒郡齋
講酬酢公舉觴曰吾不為世俗祝願子得詞早還故鄉
某感其言餞于白帝詩以送之公喪自陶某弔于其家
諸孤以墓銘見屬明年冬興化簿葉仲德以行狀來其
受公一日知不敢辭銘曰
賢哉何公邦之傑博通六藝窮館鑿為己為人皆自出
致身事君恥容悅忠告善道乃見黜施于有政果藝達
學道愛人治可述栖栖萬里走輓軌君命召還已白髮
陳刀下就四七列歲寒不凋出持節命也歟哉還嬰疾
死生晝夜貫以一沒世名稱不磨滅

贈少保王公墓誌

紹興丙寅春某初肄業太學今資政殿大學士叅政王
公為博士學者咸敬而仰之師道之尊如陽司業衡鑑
之精如陸宣公慨然痛革時文之弊一掃於正如昌黎

歐陽二先生士有經指授蒙品題者咸見頭角為時聞人其最不才且晚進亦以舉子之業誤被賞識過謂人必誦而夸之卒繇舍選竊科第先生獎借成就之力也乾道戊子冬十月某懷清源郡章過三山拜先生于黃堂賜之酒既半出示所述先少保公世次行實且曰吾欲求有道能言者屬之碑子其人也某懼而避席曰先生誤矣某不摠衣趨隅二紀于茲矣道固未之聞也而言尤不工先生門人弟子滿天下而以是屬護學小生烏能發揚遺懿之萬一邪力辭至五六卒不獲命明年秋八月書至自永嘉曾益嚴廼即先生之所述而系之公諱綱字振仲先世閩人徙錢唐開元中旅游漢沔間

至襄州穀城樂其風土遂家焉六世祖心達生居能居能生崇遇崇遇生公之曾祖考諱允中有子諱迂於公為皇祖考生皇考諱文自皇考而上皆隱處不仕皇考以公登朝象贈朝奉郎今天子即位之三年求治甚切思用異人得公之子喜甚擢左諫議大夫宣諭江淮入於大政於是襄其三世贈公之祖考太子太保妣向氏琅邪郡夫人彤氏博平郡夫人贈皇考太子太傅妣黃氏字襄郡夫人贈公少保配張氏襄國夫人王氏世有陰德於鄉閭至宮保尤號長者見其容溫然知其為德人也平生無忿恚未嘗笞詈人嘗使僕曝麥於坊僕游博舍去雨俄至漂且盡杖之三終身以為恨仲兄役

於鄉主郡驛僕盜用官米索之宮保自誣曰使僕者我也兄不與知官吏皆知其不然以宮保執不可奪姑緩其獄一日將致刑忽大赦遂得釋一郡歡呼曰天果不陷善人鄉人有負逋無以償鬻其小女於市頗有姿色宮保見之不商其直而售且曰翌日以女來作券果如期而至宮保笑曰吾焉用汝女聊為君償逋耳卒婦之所居去杜母鎮十餘里有僧與鎮將邢氏有怨發怒投張海為賊導之自均房來欲復仇宮保聞賊至曰我若去必殘吾鄉因具牛酒以待賊見其狀貌兇暴之氣頓銷且素聞其賢甚敬之約其徒秋毫無犯僧感舊恩見則拜曰此來寧欲謝公而報邢也力解之不可遂醉而

閉之亟遣告邢舉族遁去賊既退乃徐出信至鎮追其徒不及竟無所肆其毒猶子京豪俠任氣使酒而好鬪市有一無賴少年惡之嘗切齒宮保呼無賴子與錢十萬使市布於房陵衆皆爭曰吾僕使不乏何至用此人必不來矣不答無賴子得錢醉酒蒲博數日而盡遂遁去爭者咎之宮保曰吾非不知顧吾姪采惡其人常恐杯酒之後一與之遇事有不測吾以百千去之所以兩全之也常曰家貲非我獨有當三分之一以給家用一以奉官輸一以待賓客賑貧窮故四方之士皆奔走其門有所求隨其意而飽滿之飢者分之食寒者遺之衣婚嫁不給者助之貧而死者為之辦棺槨具衣衾士大夫

罷官赴調流落不能歸者資其費假以僕馬遠者數千里不計也於是遠近翕然不以姓氏稱皆呼曰無然公議者以比漢伏不聞云臨終戒其子曰欲服人毋嘗賄欲睦族無議財尊師友以教子孫藏經籍以待豪俊好古者飴以蜜好安者設以席果守吾言必將有後言畢而逝琅邪夫人生二子宮傳其季也為人魁梧寬厚行義著於邦族遵官保之業世其德而不變好學有才華詩筆清麗所與游皆鄉之賢士及待之名卿大夫盛公次仲帥南陽卒于官其子章卜葬于漢南貧不能集事造門哀告曰聞公高義且多山林願得尋常地以為先人宅地慨然許之曰惟君所擇章既得卜葬所須皆

仰給焉又館穀其家數百指幾歲而不厭其好義皆此類與從兄高相敬如賓三世聚居門內百口每食必同席甘苦惟均上下無異財鄉人服之取以為法定棄亦嚴明有賢行事皇姑至孝年五十餘抱孫矣猶日親盥饋性無妬忌愛庶孽過於己出宮傳篤學喜客不屑治生業一切委夫人小大斬斬皆有條理宮傳篤於教子夫人佐之其義方慶善乃鍾於公公幼謹孝有立及長克家力學有功名大志時余公幹鄒公浩皆當世名士相繼教授郡學公往從之勤苦絕人其業日進鄒公尤留心教誘諸生課程其工拙美惡必題數語為品蓋公每蒙賞激遂為高第舉進士中元符三年丙科授將仕

郎延安府法曹參軍官傳遺之詩有利名場裏待清謹
冠蓋叢中寢是非之戒公敬佩焉丁外艱執喪哀毀過
甚跣而尋山以奠足為跣裂服除調慶州司法參軍帥
錢公昂高其才而委任之以進築香柏臺神堂九羊堡
應副有勞及該八寶赦恩參循儒林郎有禁卒五入夜
踰甕城劫門者衲衣門者凍以死而復活案具當斬公
白帥曰一衲直數百錢且變主不死而殺五人情有可
矜錢公曰公欲云何曰此軍人也若送經畧司則免生
在公特筆耳錢公忻然從之獄官怒曰公欲以國法市
陰德邪公不為動卒皆活之以久去親闈自陳合入支
掌資序罷歸授江陵府觀察推官分曹建掾改為司兵

曹事屬貳車虛席公攝事歲餘一府仰辦江陵太府諸
司皆在爭以事讓公目為府中一俊常平司擢主管其
司事時湖北行方田法主於是司前使者去憲攝之又
按獄湖南獨僉廳行其事公知其法之弊委曲調護利
則伸之害則違之又選擇所差官而授以方畧於是方
八州而無訟公不自言既去官後使者白其功于上特
循承直郎丁定襄夫人憂扶護北歸哀感行路服除授
開封府扶溝縣建維鎮權府學博士改奉議郎知金州
漢陰縣在京西極境治所去利路界十餘里梁雍之民
錯襍其間公臨以簡易人甚宜之范公致虛以前執政
鎮南陽聞其政聲辟知穰縣辭不行終更屢轉朝散郎

賜六品服擬通判濟州未赴以寔炎元年十月十一日
夢于家享年五十有五公為人淳質任真不事表襮遇
人以一誠喜稱其善有過則面告戒之退無後言平生
恬退不妄干進入仕二十八年任官纔十考其除內職
而造朝也盛章為開封尹權勢震赫以皇考舊恩欲衆
之公公固不附又嘗欲以妻黨張氏女歸公公拒不受
積以為怨因不被薦已而章敗其客皆坐遠謫公獨不
污承祖父之風好施予不蓄資財居官尤廉潔先世雖
厚所產至公益貧自漢陰代婦糧食不繼范公宗尹有
詩曰丈人古君子清德肖冰玉仕宦三十載一飽猶仰
稌驅車向金闕此行何太速家山豈不恋陶令瓶無粟

知者以為實錄其調濟州通判州有田隸西城所巨闢
李考主其事兇焰熾然人曰公必往見之不然且有禍
公曰吾寧不調不能屈於此已而果見奪其得俸徽州
未出都而金人再犯闕公在圍中官索金銀甚急人多
匿不肖輸公劫掠之餘囊有數金悉以送官人勸公少
留以為婦資公曰國家如此吾尚忍有所隱耶

二聖既入虜管集百官於秘書省聯名以立張楚公驚
涕而出曰始以為立皇太子若爾吾非所敢知卒不書
見者皆為驚悚篤於風義其擇褐也同時鄉貢之士第
與不第數十人多依公以食貧不能歸者資遣之有風
簾好獎借人物所許予後多顯達范公宗尹為布衣時

辛甫及冠公一見期以遠到獎成之其訓子弟造次必
以遠大老猶自力觀書以誘迪之聯案共檠夜分不倦
襄國夫人聰明修整好讀書聞古今賢人才士之事業
則聳然慕之常舉以勉公且以誨其子先公十七年薨
公念其賢誓不再醮初公既葬皇考而不宜其地欲改
卜未遑也大資政知荆門軍以紹興癸酉正月十四日
奉皇考及公之喪葬於故居之東北一里龜山之原各
以其夫人祔五子之深之美之珎皆未仕而卒之望即
大資政也今知温州之考右承直郎一女適素義郎歐
陽价早卒孫男十人鏞右從事郎銖右宣義郎鐸右迪
功郎鐸右修職郎欽右承務郎鑄鑰錫鉞鈇未仕孫女
六人一適右從事郎錢慶祖一適右通直郎魏欽弼曾
孫宗漢自靖康之亂襄漢被禍尤酷獲免者千一往往
無孳類獨王氏樂絕而復滋大資政又以儒術文章奮
結知 明主致身執政為時重臣初官保贈制曰清塵
美行肩于古人重義輕財化貪息訟州閭以無怨公稱
之我宋造邦毅城以進士起家自其孫始迨茲萬機流
澤薰後信可取必君子曰王氏之有後也宜哉德厚者
流光天道不可誣也銘曰

王氏之先 自閩徙杭 有唐開元 始家于襄
至無怨公 植德好誼 善積名成 如漢伏尸
官傳遵之 不懈有加 慶鍾少保 進士起家

小試墨曹	活人惟死	攝官大府	政習有偉
匪人不附	偽命不污	凜然節義	可激懦夫
天嗇其年	志不克究	不在其身	以昌厥後
果坐人傑	早蜚大聲	模範太學	作新諸生
一勤勞子外	治最荆蜀	帝曰來歸	質尔落沃
一造司言責	入贊政機	密疏輸忠	而人不知
惟帝知之	大藩是界	不令而行	德威惟畏
一帝念老成	行將相之	先世之衰	奚止於斯
龜山之原	小黃之口	紀德豐碑	有同峴首

杜殿院墓誌

杜陵先生以詩鳴于唐忠不忘君自比纓高卒窮以死

君子知其少不後先生之子曰宗文宗武宗文之子居蜀之青神號東山翁東山翁生禮信宗特為諫官禮生詳諍生晏景福中為侍御史公侍御史八世孫也又以諫顯為定名臣於少陵有光矣公諱莘老字起莘曾祖某祖某父某皆潛德不仕而以儒名家父贈右奉議郎母某氏贈恭人公幼不好戲稍長知力學時學者宗臨川禁蘇氏文公獨誦習有識器重之宿渠守石翼以師禮致之遂自眉從焉家恭之江津第進士以地遠親老不赴廷對賜同進士出身授梁山軍教授從之游者益眾秦檜死魏公良臣參大政公疏天下利病上之良臣薦于上主管禮兵部架閣文字明年秋七月有星彗

于東方公指陳時政之弊時應詔者衆 上命後省擇
而第之以公為首進秩一階制曰言尤鯁亮士榮之襄
廷勅令所刪定官修書無慮十數至刑部斷例尤盡心
有疑則反覆奏請同列服其精當迂太常寺簿尋除博
士時虜欲敗盟疆場無備公因輪對言狀且曰勿恃其
不永恃吾有以待之 上稱善再三曰朕知卿忠由是
有用公意 顯仁皇后崩自南渡後典秩多失至凶禮
尤不知有疑議吏皆拱手公輒引古誼從容裁度大欽
前一日宰相遽召赴堂曰有 旨問含玉之制公曰禮
院故實所不載以周禮典瑞鄭元所注製之其可因立
具奏 上覽之曰真禮官也虞祭或謂上哀勞欲以宰

相行事主議者力甚公曰古今無是比卒正之 今上
立為建王討論典禮尤備丞秘書面對論江淮守備
上曰卿言及此憂國深矣推吏部員外郎王右選小使
臣舊不出關吏取而鬻之在選數百人無所訢公始命
出榜闕以次就注擢監察御史遷殿中侍御史上曰以
卿忠直不畏強禦故有此授逆亮將寒盟遣使致慢書
傳 欽宗凶計請唯漢地索大臣上決策親征公奏疏
贊其決謂虜欺天背盟政宜待以不懼因上四事一不
限早莫延見大臣侍從謀議國事二申勅侍從臺諫監
同守臣速舉可用之才三虜情雖叵測然宜以時遣使
示曲在彼四車駕既謀順動而留鑰宜擇重臣下議文

劉知縣墓志銘

永嘉號多士甲於東南劉公全之以重厚長者稱憲成
行尊而年與位不稱歛惠一同有蘊莫施君子惜之公
諱銓其先閩人避五代亂徙溫之樂清曾祖某祖某咸
有潛德父某贈右承事郎劉在邑為著姓世術於財至
承事公易以詩書所交皆一時聞人篤於教子公姿秀
整力學能文未冠有雋聲鄉先生仰公文蔚孫公仲齋
師友也每見所業必稱嘆許其遠到州父奉議祖向授
禮于家公與從弟鎮從學以文行為稱首識者謂劉氏
有子知必大其門公果與州父偕薦計臺明年同擢進
士第後六年鎮亦登科鄉人榮之目曰三劉公初調台

州臨海尉秩滿丞越之嵎未及考丁父憂終喪注奉州
如皋今改宣教郎知秀州海鹽縣今 天子即位覃恩
轉奉議郎賜銀緋至官未暮年丁母太孺人憂歸葬于
鄉會海溢沾濡感疾遂致仕轉承議郎卒年五十六實
乾道二年十一月二十二日也公性愷悌為政務循良
飾以儒雅不求赫赫譽然所至咸有可觀台城之東數
里有泉可釀甬水致諸務歲婁易民病竹木輸公易以
石官私便之初公如浙西道絲棼遇惡少為濟務奪掠
比至嚴下令皆讐伏事有便于民力贊令行之不自以
為功嵎人至今德之如皋土曠少耕者膏腴故壤新墾
皆葦茅公躬阡陌喻民力農墾田餘數萬久荒二集

初之官太孺人以老不行公念切謁告迎侍邑人慎其
不來狀于郡及諸司以留公得請于省部行李即塗老
稚駢擁委曲諭之乃得去及聞其還驩然相賀簿攝邑
事有誣告強劫者輒逮捕繫獄連坐以十數公至得其
情悉縱之按誣者頃之憲臺來詰公不咎攝者或勸直
之不從人益義之進士丁時發者嘗容其館公過關謂
友人王某曰丁有美才文不俗必高第已而果然海盜
水害稼被擻檢傷放秋苗數萬斛計貧不能輸者捐十
一請于朝得 旨倚閣春饑勸豪右發廩以濟全活者
眾民無資以耕貸于郡給之且欲身任其責境內樂業
歲遂有秋學久廢輟圭租二百斛以倡士感而悅爭輸

財以助之棟宇一新其務敦教化如此故一時諸公咸
稱篇之侍郎劉公岑以先達高自標置少許可其帥淮
也將薦公于朝會罷乃已公美須髯風度尤不淺自謂
平生未嘗知憂與賓客飲必盡懽衆方紛然有所譏議
公若不能言者喜愠不形人莫得而親踈有忤已者怡
然不與校人有善則稱不容口輕財好義務周人之急
解衣指困色無靳遇人有禮雖至賤貧者見之無慢容
尤敦宗好每相過必敕具即事唱酬日以為常工文詞
典而有致賦詩句法清勁自成一家字畫端謹如其為
人母瞿氏以太后八帙恩封太孺人娶瞿氏再娶汪氏
皆贈孺人又娶葉氏封孺人皆先卒男二人儼介儀或

習舉子業女五人長適鄉貢進士林壽次許嫁國學進士賈保餘幼孫男一人女一人儼等將以四年二月丙申奉公之喪與孺人汪氏葉氏合葬于真如之原求其誌其墓某少與公為筆規交辱知最厚公既筮仕某猶困場屋公遇人必借譽然未嘗自言歲戊辰某下第棄舍選不就遇公于武林同渡浙江語其故公曰子有進身路何乃自棄邪力勉之自越還學卒田舍法進公之力也某赴番易公餞別于道逮至夔書問不絕且約會老子鄉明年東歸道聞公訃嗚呼痛哉銘曰

有美君子 溫其如玉 醞藉而文 琢磨以學 施于有政 不猛而循 愛遺四邑 活及萬人

婁邴以來 世稀長者 吾鄉有評 公其人也 天厚其德 胡嗇其言 志不克究 有子以傳 真如之原 歸從先子 陵谷有遷 德名不圯

今人擴誌

今人姓賈氏温州樂清人曾祖某祖奭父如訥皆有隱德三賈同邑且世姻故令人歸于我遠事舅姑以孝稱從其夫某宦游于越入仕于 朝出守饒夔湖泉四州賢而有助初封恭人再封令人乾道四年十二月十日卒于泉之郡舍享年五十五六年九月乙酉葬于左原白岩附姑令人萬氏之右男二人聞詩聞禮皆國學生孟丙蚤死女二人長嫁國學進士歲萬全次許嫁曾祥

馬孫二人阿曼阿閩女孫二人國坦晉娘數文閣直學
士左朝奉郎新知台州軍州事王其誌

梅溪先生後集卷第二十九

附錄大宋龍圖閣學士王公墓誌銘

公字十朋字龜齡姓王氏温州樂清人曾祖信祖格父
輔父以公貴贈左朝散郎母萬氏贈碩人其先自錢塘
徙至朝散公始業儒有聲公少穎悟強記覽為文頃刻
數千言事親盡孝其居鄉進止取予必以義後學師尊
之既入太學多士皆推敬焉 太上皇帝躬攬權綱更
新政事紹興二十七年策進士于廷詔對策中有指陳
時事鯁亮切直者並寘上列無失忠謹無尚諂稱朕
取士之意既而考官以公所對進上臨定其文以為經
典淹通議論純正可第一及唱名則公也士論翕然稱
應詔益嚴銷金甬學之禁且以文正所貢翠羽焚於通

自公發之左承事郎會書上庫軍節度判官聽
之事又詔王某係朕親擢第一人欲試以民事尚待遠
關可特添差紹興府僉判秩滿除秘書省校書郎尋兼
建王府小學教授時北虜且畔盟朝廷疑之猶未敢誦
言為備公因轉對力陳其不可無備者且曰禦戎之策
莫急於用人用人之要莫先於人望今若內若外士夫
軍民咸謂有天資忠義才兼文武可為將相者有長於
用兵士卒樂為用可為大帥者或寘散地或守遠郡願
陛下起而用之可以作士氣寢敵謀又言三衙管軍或
久而不代兵柄在手利權財路又皆入其門且其官至
三公樞密所以節制諸將者乃班其下倒置如此其能

節制之乎并請軍承受皇城邏卒之敝其他指陳率人
所難言者三衙之將有言也人皆危之而上特開納焉
既而罷諸軍承邏卒亦加職更定樞密與管軍班次管
軍亦引去邊備益嚴舊人相繼復用自昔人臣論一事
或章十數上或合衆力爭不能回公以一言寤意而事
皆次第罷行於是天下仰上之聰明大度虛懷從諫非
徒優容之而已然大臣有不樂者公亦數求去除著作
佐郎罷其兼職公以求去得遷力辭不許久之除大宗
正丞仍待次尋得請主管台州崇道觀今上即位除
知嚴州未赴間召對公奏言太上皇帝非耄耆勸勤
而以下之陛下其賢之堯舜遠矣陛下

所以任副 太一付托者當何如舜重華協于帝然八
元八凱堯未及舉而舜舉之四凶堯未及去而舜去之
今社稷之大安危生民之大休戚人材之大進退朝廷
之大刑賞其所當行者宜若舜之所以協于堯而行之
以彰 太上知予之明以盡 陛下繼述之道又言今
和我與戰守之議未決臣謂或戰或守當相時進退而
和決不可議也又言右相虛位天下拭目觀 陛下此
舉必諸大夫國人皆曰賢然後用之可也不可非其人
以失天下望除司封員外郎兼國史院編脩官又兼崇
政殿說書除國子司業諸生固已迎服矣而公於學校
事其細微曲折皆參前知所舉措無不當人心者會詔

百官言事 一疏以為百官進退者大臣之職論思獻
納者侍從之職正朝廷紀綱者臺諫之職今居其位者
往往不舉其職宜有以重正之雖然此特人臣之職也
而人主有大職事曰任賢曰納諫曰賞罰其言反覆詳
盡切於時務上覽而嘉之即召公與工部侍郎張闡對
便殿從容論天下事甚衆請退復留者再賜坐賜酒又
賜御書隆興元年四月除起居舍人改兼侍講公與左
史同奏史職廢壞者其一起起居注錄本進呈非古欲
叨進其二曰雖侍立而在殿東南隅未嘗聞天下德音
如二府自有時政記其餘臣僚登對欲許令史官侍立
其 曰後殿侍 而前殿則否於義無據欲前殿侍立

共四曰直前奏事故不必預牒閣門及候班次皆從之
越月除侍御史公素以剛毅正直稱天下至是人皆曰
真御史矣公益自任以當世之重大抵以定國論正人
心為本而去其害治者不屑屑於細故也江淮都督府
出師進取宿州虜悉眾來爭我師退守淮都督張公浚
上表自劾公奏曰臣自搃角在草莽間聞醜虜亂華痛
心疾首義不戴天臣素不識張浚聞其天姿忠義誓不
與賊俱生實敬慕之頃以館職輪對首言虜情不測乞
用浚等既而虜果入寇 太上皇帝親遣浚浚知建康
府 陛下即位因以江淮都督之任委之天下皆以為
當臣去冬 陛下至關前浚進對皆以為恢復大計仰

贊聖斷又已 陛下勿貳以濟大業浚遣二將取靈壁
虹縣宿州降三大將一月三捷議者皆服 陛下任浚
為難及王師不利橫議遂起臣嘗奏 陛下用兵為
祖宗靈寢而舉為二百年境土而舉為中原弔民伐罪
而舉與古帝王好大喜功開邊生事不同投機而進知
難而退益當內脩政事俟時而動 陛下則明果斷規
模固已素定然異論紛紛不肯置浚今浚既待罪臣其
可尚居風憲之職欲望正臣妄言之罪特加竄逐詔以
公權吏部侍郎辭不拜乃以集英殿修撰知饒州乾道
元年七月移知夔州尋除敷文閣待制三年七月移知
夔州 亦幾得請提舉江州太平興國宮才數月起知

用進立學士移知台州公以病力辭且乞致仕乃親
提舉太平興國宮七年三月除太子詹事詔旨敦勉公
力疾造朝上特御選德殿而公足弱不能趨詔給扶杖
拜且賜坐又詔權免朝參又遣使以告及金帶就賜公
三上章乞致仕乃詔以龍圖閣學士致仕命下而公薨
矣實七月丙子也享年六十 上聞嗟悼賻卹有加今
兩浙路轉運司給葬事公積階至左朝奉郎封樂清縣
開國男至是贈左散大夫遺戒喪事毋得用佛老教諸
孤行之以十有二月丙午葬公于縣之左原白巖碩人
賈氏有賢行先公二年卒至是合祔焉男三人聞詩聞
禮皆太學生孟丙蚤卒公兩遇郊祀恩皆奉其弟故二

子皆未仕次二人長嫁進士錢萬全次許婚賈梓孫男
女四人公立朝議論出處大節既如此矣初公以文學
先天下人謂其於吏未必數數然也而自為郡佐遇事
不苟民有訟久不決多走諸司乞諉公雖文書填委公
一一緝閱不以付吏審核情偽參用經律所與奪人皆
厭伏其治郡既以廉潔公正率其下間有為不善者則
反復告戒誠意焉至人亦有恥故未嘗按吏為文勸導
百姓以遠善遠罪之意有爭訟則曉以義理多退聽者
故鞭朴罕用事至立斷其甚不得已乃推鞠亦不淹繫
故獄屢空未嘗遣官吏至縣而人素信伏事亦舉利有
以予民者予之輸租使自操概而用度有節財下

公率兩詣宮廷見諸生從容誨誘且以詢郡正
久旱公下車即雨湖久雨傷稼公入境即霽每罷郡士
民涕泣遮擁不容去或借留於部使者既不得則奔走
道路必邀境不忍別者衆人聞公喪會哭于開元僧舍
又立祠堂以事之近世為政得人心未有如公比者公
有梅溪前後集五十卷尚書春秋論語孟子講議皆指
授學者未成書也公於文專尚理致不為浮虛靡麗之
詞其論事章疏意之所至展發傾盡無所回隱尤倜儻
明白蓋自漢代專用儒術而士或飾詐或阿諛取容至
於守節而能為國重則未必以儒名者世遂以儒相
若

粹然一出於正謹守而力行之

四施以功功 首以利害身身 知知 立不
所謂儒者曰 左右具宜信乎其本如是也嗚呼此真

漢廷用儒 黜獨顛撲 淮南憚之 謀不敢作

謂公孫輩 發發振落 儒豈不用 其效奚若

孰知其故 鼠腊非璞 公之節義 視黜無作

然立朝 作世郭郭 正色凜凜 危言諤諤

招之不前 麾之不卻 猛虎在山 衛及藜藿

出守四郡 治行皆卓 問胡為然 非智之鑿

聖有謨訓 守約施博 惟其躬行 粹美無說

不由外鑠 於彼汲直 如五而承

才... 詞 以表儒學 人雖云亡 此月渠...

端明殿學士左朝議大夫提舉江州太平興國宮上節
郡開國侯汪應辰撰承事郎直寶文閣權發遣靜江軍
府廣州山站兵馬都鈐轄兼主管本路經畧安撫司公
事明紫魚袋張杅書宣教郎新權發遣南康軍事朱
熹題蓋

先 心文雅合前後并奏

議 五十四卷紹熙壬子

間禮錢木江陵婦藏于家

痛念

先君即世二十有一年

不肖孤家貧力薄

夜旣遺書以泣一
溘先朝露無以贖不孝
罪會兄聞詩假守浮光以
俸餘命聞禮董其役始事
于莫春訖工于中秋
先正士之學忠憤之
憂之

物之念
幾
考而盡日之職
校正迪

功郎謝汝融鄉貢進士任

矣其間闕亡者異時為

別集云男宣教郎充荆

湖北路營田使司幹辦

公事賜緋魚袋聞禮

宋紹熙本王梅溪集跋

宋樂清王忠文公十朋梅溪集黑口本半葉十一行行二十一字凡廷試策一卷奏議四卷詩文前集二十卷後集二十九卷都五十四卷前有淳熙四年丁酉夏四月望大甲大夫觀文學士行宮留守劉珙共父序後有汪應辰撰墓誌銘子宣教郎聞禮跋紹熙壬子錢于江陵劉序謂遺文三十二卷汪誌謂梅溪前後集五十卷馬端臨經籍攷謂梅溪集三十二卷續集五卷三者互異此本當是其家續輯後刊自以此為足本

馬氏節錄劉珙序序成於淳熙四年先紹熙之刻十六年可證也

四庫著錄明正統五年温州知府劉謙重刊本提要以馬氏所載有劉珙序劉謙本無之為疑近年上海涵芬樓影印劉謙本字形版式避諱空格均與



紹熙本同，惟序末無「紹熙年月」劉珙繫銜四行，書中有字體與紹熙本不符者，當是紹熙本破損脫落，劉謙補刻。劉謙本何文淵後序，余於文集多破損，脫落付永嘉儒士王宜嘉補其缺，略劉公自牧為郡守，刊刻完成云云。按涵芬樓影本卷首目錄一葉，卷二策第七葉，卷三奏議第十二葉，第十六葉，前集目錄第三十三葉，卷十第八葉，卷十九第四葉，後集卷十二第十七葉，凡八葉字體陋劣，明時重刻顯而易見。後集卷十二第十七葉，爾作一兩，尤可笑。天順六年周珍序謂劉謙重刊本無舊序，舊序朱文公代作，為表而冠諸卷端，竟刊落劉珙之名。四庫館未見紹熙本，未知其原委耳。朱子曾為劉珙作行狀，見朱子文集，是珙行輩較先，珙諡忠肅，宋史有傳，王忠文移知湖州，珙力請留之，與有淵源，故署珙名，明人不詳攷，僅知尊朱而謬改古書，最為惡習。劉珙序，余昔官中秘，直西省，皆與公為寮，及來守建，其子聞禮適官府下，相與道舊，云云。是敘王劉交舊，豈能不出劉珙名，標出朱子代作則竟抹，擬劉珙則謬矣。淳熙年月，劉珙繫銜四行亦必周珍刊落，常熟瞿鏞謂朱子代劉共父序，乃周珍從大全集補錄非也。

後集卷二十六第十八葉末行，紹熙本乾道道字微損，卷尾留木處有刀削痕，如劉謙重刻，應修補完好，乃形迹宛然如舊，疑是悉仍舊本，僅補刻版片，遂以重刊自居，竊名三百餘年，又於舊序後削去劉珙銜名，以致讀其序文語多茫然，非以此本對勘，未由窮其真相。錢謙益《絳雲樓書目》有王梅溪集卷數同，而未著刊本年代，邵懿辰撰《四庫簡明目錄》標注莫友芝邵亭知見傳本目錄，瞿鏞《鐵琴銅劍樓藏書目錄》均未見紹熙本。此本雖間有漫漶，猶是紹熙原刻。馬氏所見劉珙序尚存，首尾完具，紙墨古穆，之氣流溢行間。每卷首有吳澄朱文葫蘆印，幼清白文長方印，蓋元時為吳文正公所藏。後集卷首有聽雨樓查氏有珩珍賞圖書白文方印，李慈銘

越漫堂日記京師長椿寺藏孝純劉太后象右幅題籤嘉慶六年
實錄館校對官宮史收掌官刑部郎中查有所重裱當即其人也
舊槧流傳有緒天祿石渠未及收入邵氏莫氏瞿氏版本之學
號稱淵博亦未之見洵為天壤孤本希有之寶同治光緒間藏
南海孔氏嶽雪樓今歸余齋孔氏收藏頗富近歲蕩然無存撫
斯編不勝華屋山邱之感焉壬戌七月番禺汪兆鏞識



卷之三